


Шуайб алайҳиссаломнинг дуолари



07:45 / 20.03.2019 2211

Қуръонда пайғамбарлар дуолари

(давоми)

«Ва Мадянга ўз биродарлари Шуайбни (юбордик). У: «Эй қавмим, Аллоҳга ибодат қилинг. Сизга Undan ўзга илоҳ йўқ. Батаҳқиқ, сизга Роббингиздан ҳужжат келди. Бас, ўлчов ва тарозуни тўлиқ адо этинг, одамларнинг нарсаларидан камайтириб қолманг ва ер юзида унинг ислоҳидан кейин буғзунчилик қилманг. Агар мўмин бўлсангиз, шундай қилмоғингиз ўзингиз учун яхшидир» (деди)» (Аъроф, 85-оят).

Мадян халқининг Шуайб алайҳиссаломга жавоби Нуҳ ва Лут алайҳиссалом қавмларининг жавобидан фарқ қилмасди. Шуайб алайҳиссаломнинг насиҳатларини қабул қилмаган қавм, уни ва иймон келтирган бошқа кишиларни қувғин қиласми, деб таҳдид солишди.

«Унинг қавмидан бўлган мутакаббир зодагонлар: «Эй Шуайб, ёки, албатта, сени ва сен билан бирга иймон келтирганларни ўз қишлоғимиздан чиқарамиз ёки ўз миллатимизга қайтасизлар», дедилар. У: «Гарчи ёмон кўрувчи бўлсак ҳам-а?!» деди» (Аъроф, 88-оят).

Шуайб алайхиссалом эса қавмининг итоатсизлиги ва таҳдидлариға қарши шундай дедилар:

«Агар сизнинг миллатингизга Аллоҳ бизга ундан нажот бергандан сўнг қайтсан, батахқик, Аллоҳга нисбатан ёлғон тўқиган бўламиз. Биз учун унга қайтиш мутлақо мумкин эмас, магар Роббимиз – Аллоҳ хоҳласагина (мумкин). Роббимиз ҳамма нарсани ўз илми ила қамраб олгандир», дедилар ва шундай илтижо қилдилар:

«Аллоҳга таваккал қилдик. Эй Роббимиз, биз билан қавмимизнинг орамизни ҳақ ила очгин. Сен очувчиларнинг яхшиси дирсан» (Аъроф, 89-оят).

Шуайб алайхиссаломнинг сўzlари заррача таъсир қилмаган мутакаббир зодагонлар:

«...Агар Шуайбга эргашсангиз, у ҳолда, албатта, зиён кўрувчи дирсиз, дедилар» (Аъроф, 90-оят).

Кейин Лут ва Нуҳ алайхиссаломлар қавмининг бошига тушган нарсалар Мадян халқига ҳам келди. Шуайб алайхиссаломнинг қабул бўлган ва Аллоҳнинг элчисини тан олмаган қавм ҳалок этилди:

«Бас, уларни шиддатли зилзила олди ва жойларида ўтириб қолдилар. Шуайбни ёлғонга чиқарганлар, худди у ерда яшамагандек бўлдилар. Шуайбни ёлғончига чиқарганлар, ўшалар зиён кўрувчилар бўлдилар» (Аъроф, 91-92-оятлар).

(давоми бор)

«Қуръони каримга кўра дуо» китобидан